

आकाशवाणी

खबरां विकास -----

1 प्रधानमंत्री नरेंद्र मोदी होरें पोलीस महानिदेशकें ते महानिरीक्षकें दे अखिल भारतीय सम्मेलन दे अखीरी ध्याड़े सुरक्षा कन्नै जुड़े दे महत्वै आहले मामलें पर चर्चा कीती।

2 उपराष्ट्रपति जगदीप धनखड़ होरें आखेआ जे भारत दे इतिहास दी कताबें, राष्ट्र दे नायकें कन्नै बेन्यायी कीती ऐ।

3 महाराष्ट्र दे मुख चुनां अधिकारी होरें झूठे इलैक्ट्रानिक वोटिंग मशीन यानि ई.वी.एम कन्नै छेड़छाड़ दे दावें पर शिकायत दर्ज कीती।

4 दिल्ली बीजेपी औने आहले दिल्ली विधानसभा चुनाएं लेई इस महीने दी 8 तरीक थमां परिवर्तन यात्रा शुरू करोग।

5 तेलंगाना दे मुलुग जिले च पुलस मुठभेड़ च खब्बै धड़े आहले 7 अत्तवादी मारे गे।

6 पी.वी सिंधु ते लक्ष्य सेन ने सैयद मोदी अंतरराष्ट्रीय टूर्नामेंट च एक्कल खिताब जिती लैता ऐ।

PM-Conference

प्रधानमंत्री नरेंद्र मोदी हों भुवनेश्वर च पोलीस महानिदेशकें ते महानिरीक्षकें दे अखिलद भारतीय सम्मेलन दे अखीरले दिन बक्ख-बक्ख राज्यें ते केंद्र शासित प्रदेशों दे सुरक्षा कन्नै जुड़े दे महत्वपूर्ण मामलें पर विचार कीता। मुख्य तौर पर साइबर अपराध, तटीय सुरक्षा ते माओवादी आतंकवाद कन्नै निब्बड़ने पर चर्चा होई। केंद्री गृह मंत्री अमित शाह, केंद्री गृह सचिव गोबिंद मोहन, राष्ट्रीय सुरक्षा सलाहकार अजीत षोबाल होर बी सम्मेलन च मौजूद न। सम्मेलन च राष्ट्रीय सुरक्षा कन्नै जुड़े दे महत्वपूर्ण मामलें कन्नै निब्बड़ने लेई रणनीति तैयार करने पर मता ध्यान दिता गोआ ऐ जिंदे च नमीं तकनीकें जिआं कि drones ते Artificial Intelligence करी पैदा होआ रदी चुनौतिएं कन्नै निब्बड़ना शामिल ऐ। एहदे अलावा आतंकवाद दा मुकाबला करने लेई अपनाई जाने आहली रणनीति पर बी देश दे उच्चे पोलीस अधिकारिणें ते बक्ख-बक्ख सुरक्षा एजेंसिणें दे प्रमुखें आसेआ विचार कीता जा'रदा ऐ। प्रधानमंत्री हों होंरनें कन्नै पोलीस दे कार्रवाइणें सरबंधी ते मूल ढांचागत सुविधाएं सरबंधी मुद्दें पर गल्लबात कीती। केंद्र सरकार नै मार्च 2026 तगर नक्सली आतंकवाद

गी खत्म करने दे लक्ष्य गी पूरा करने तैहत हाल दे म्हीनं च थोड़ दी लगातार सफलताएं दे बावजूद राज्यें गी आखेआ ऐ जे लक्ष्य पूरा होने तोड़ी ढिल्ले नेई पौन। मगरा प्रधानमंत्री होर जेहड़े पिछले शुक्रवार थमां भुवनेश्वर दे 3 दिनें दे दौरे पर ऐ, संझा लै दिल्ली परतोई गे।

<><><><><><>

VP-History

उपराष्ट्रपति जगदीप धनखड़ होरें आखेआ ऐ जे भारतीय इतिहास दी कताबें च राष्ट्र दे नायकें कन्नै बेन्याई कीती ऐ। तारें नमीं दिल्ली च राजा महेंद्र प्रताप हुंदी 138मीं बरे गं॥ दे मौके पर इक सभा गी संबोधित करदे होई श्री धनखड़ होरें आखेआ जे एह राष्ट्र दे अंतरात्मा उप्पर ऐ। उनें आखेआ जे भारत दी आजादी दी नीह् राजा महेंद्र प्रताप सिंह ते होरनें वीरें जनेह् लोके दे सर्वोच्च बलिदानें पर बनी दी ऐ। उनें राजा महेंद्र प्रताप हुंदे योगदान गी उजागर करदे होई आखेआ जे ओह् जन्मजात राजनयिक, राज्यकर्ता, दूरदर्शी ते राष्ट्रवादी हे। उनें इस गल्लै पर चैंता बुज्झी जे इतिहास लेखन च जिस चाल्ली कन्नै राष्ट्र नायकें दे योगदान गी नजरंदाज करने दी फितरत दिक्खी जंदी ऐ।

<><><><><><>

CEO-Maharashtra

महाराष्ट्र दे मुख्ख चुनांs अधिकारी होरें इक् माहन् दे खिलाफ शिकायत दर्ज कराई ऐ जे ओह झूठे दावे करा करदे ऐ जेदे च हाल च गै महाराष्ट्र विधानसभा दे चुनाएं दौरान इलैक्ट्रानिक वोटिंग मशीनें कन्नै छेड़छाड़ कीती गई ही। महाराष्ट्र दे मुख्ख चुनां अधिकारी हुंदे आसेआ सोशल मीडिया पर सांझा कीते गेदे इक् चिट्ठी मूजब किश सोशल मीडिया यूजर्स आसेआ वीडियो पोस्ट कीता गेआ ऐ जेदे च उनें आखेआ ऐ जे इस माहन् नै ईवीएम दी हैकिंग ते छेड़छाड़ बारें झूठे बे-बुनियाद ते तर्कहीन दावे कीते न। चिट्ठी च अगगे आखेआ गेआ ऐ जे मुम्बई साईबर पुलिस नै 30 नवंबर गी मुख्ख चुनां अधिकारी हुंदी शकैत दे मगरा भारतीय न्यास संहिता ते आई.टी एक्ट 2000 दा बक्ख-बक्ख धाराएं दे तैहत एफ.आई.आर दर्ज कीती ही।

<><><><><><>

Delhi-BJP

दिल्ली बीजेपी औने आहले दिल्ली विधानसभा चुनाएं लेई इस महीने दी 8 तरीक थमां परिवर्तन जातरा शुरू करोग। नमीं दिल्ली च मीडिया

गी जानकारी दिंदे होई दिल्ली बीजेपी दे प्रमुख वीरेंद्र सचदेवा होरें
आखेआ जे एह इक पद यात्रा होग जेड़ी इक गे समें च सब्बने 7एं
लोकसभा क्षेत्र थमां शुरू होग ते हर रोज इक राज्य विधानसभा क्षेत्र
गी कवर करोग। पार्टी दे नेता ते वर्कर मुकामी लोकें ते वरिष्ठ
शैहरदारें कन्नै मिलंगन ते राश्ट्रीय राजधानी दिल्ली च लोकें दी आसैं-
मेदें मताबक खरा उतरने च कथित तौरा पर नाकाम रौहने गी उजागर
करंगन। मेद ऐ जे एह जातरा इस म्हीने दी 20 तरीक तगर जारी
रौहग।

<><><><><><>

Delhi-Pollution

राश्ट्रीय राजधानी दिल्ली च बहाऊ दी गुणवत्ता माड़ी श्रेणी च ऐ जेदे
करी अज्ज दपैहरी इक बजे तगर औसत हवा दी गुणवत्ता सूचकांक
291 ऐ। केंद्री प्रदूषण नियंत्रण बोर्ड दे मताबक शैहरा दे किश इलाकें
च 300 ए.क्यू.आई, दिल्ली दे शादीपुर स्टेशन प ए.क्यू.आई 344,
आनंद बिहार च 322, विवेक बिहार च 317 सिरिकोट च 309,
वजीरपुर च 308, सोनिया बिहार च बी 308, रोहिनी च 305 ते
पंजाबी बाग 303 ए.क्यू.आई दर्ज कीता गेआ ऐ। भारती मौसम
विभाग नै अंदाजा लाया ऐ जे दिल्ली ते आले-दोआले दे एनसीआर च

अगले 2 ध्याड़ें च रातीं ते बड़लै दे समें च धुंध ते कोहरे दिक्खने गी मिलने दी संभावना ऐ।

<><><><><><>

BSF-Batallions

सीमा सुरक्षा बल-बीएसएफ नै जम्मू प्रांतै च बन्ने पारा घुसपैठ रोकने ते आतंकी गतिविधिएं पर रोक लाने लेई 20 ज्हार कोला मते कर्मिं दियां दऊं ज्हार कोलां मते कर्मिं दियां 2 नमियां बटालियनां तैनात करने दा कम्म मुकम्मल करी लैता ऐ। इयां हाल च प्रांतै च आतंकी घटनाएं च चानचक्क आई दी तेजी गी ध्यानै च रखदे होईग कीता गेआ ऐ। बीएसएफ दे अधिकारिं दा आखना ऐ जे बटालियनां अंतरराष्ट्रीय बन्ने पर पैहले सवां तैनात बीएसएफ बलें दे पिच्छे दुए सुरक्षा घेरे दे तौरा पर लाया गेआ ऐ। इनें 2 बटालियनें गी हाल च गै ओपिशा दे नक्सल विरोधी कारवाइएं आहले इलाकें शा हटाया गेआ ऐ। सयाल शुरू होने कोला पैहले-पैहले अंतरराष्ट्री बन्ने पर इनें बाददू बटालियनें दी तैनाती दा कम्म मुकम्मल कीता गेआ ऐ कीजे बर्फबारी दे बाद आतंकवादी घुसपैठ लेई जम्मू प्रांतै आहले बन्ने टप्पने दी कोश्ट करदे न। बीएसएफ भारत दे पच्छमी बन्ने पर गुजरात कोला लेइयै राजस्थान, पंजाब ते जम्मू-कश्मीर दे जम्मू प्रोतै तोड़ी 2 ज्हार

289 किलोमीटर दे इलाके च पूरी मुस्तैदी कन्ने दिन रात बन्ने दी राखी लेई ँटे दे रौहंदे न। जम्मू प्रोतै च 485 किलोमीटर दा इलाका पाकिस्तान कन्ने लगदा ऐ जेदे च केई थाहरें पहाड़ियां ते घना जंगली इलाका बी पौंदा ऐ।

<><><><><><>

Left-Extremist

तेलंगाना च अज्ज बड़लै मुलुग जिले च पुलस कन्ने होए दे टाकरे च खब्बे धड़े दे घटोघट्ट 7 अतवादी मारे गे। इंदे च बीजापुर दे राज्य कमेटी दे सचिव भदरू उर्फ पन्ना ते होरनें दे अलावा 2 राज्य कमेटी दे सदस्य बी शामिल न। एह टाकरा उंदे जनजातीय समुदाय दे गै 2 लोकें गी पुलस दा खबरी घोषित करने मगरा मारी देने दे बाद सामने आया ऐ। पुलस मताबक अज्ज बड़लै इक तपाशी अभियान दौरान Eturna Goram इलाके च नक्सल विरोधी कमांणो इलाई अतवादिएं दी इस गतिविधि दौरान आमना-सामना होई गेआ जेदे चलदे गोलीबारी रम्भ होई। पुलस नै 2 ए.के रफलां बी बरामद कीतियां।

<><><><><><>

Amit Shah

केंद्री गृह मंत्री अमित शाह होरें अज्ज सीमा सुरक्षा बल दे जोआनें ते उंदे परोआरें गी बीएसएफ दे स्थापना दिवस पर नमन कीता ऐ। सोशल मीडिया पर इक पोस्ट च गृह मंत्री होरें आखेआ जे बीएसएफ दे जोआनें देसा दी इज्जत ते महत्वकांक्षाएं दी रक्षा पक्के धेड़्यै कन्नै कीती ऐ ते इस लेई अपनी जान देने लेई कदें बी 2 बारी नेई सोचेआ। श्री शाह होरें आखेआ जे उंदा शौर्य ते बलिदान प्रेरणा दा स्रोत ऐ जिन्ने देशभक्तें दी पीढ़ियें गी इस गल्लै गी यकीनी बनाने पर जोर दिता तां जे भारत बरोबर बददा मठोंदा रवै। केंद्री मंत्री होरें अपनी ड्यूटी दौरान अपनी जिंद-जान न्यौछावर करने आहलें दे सर्वोच्च बलिदान गी नमन कीता।

<><><><><><>

RNU Announcement

आकाशवाणी दा क्षेत्रीय समाचार एकांश जम्मू ओंदी 6 दिसम्बर गी अपना 54मां स्थापना दिवस मनाने जा'रदा ऐ। इस सिलसिले च एकांश केई सारे कार्यक्रमें दा आयोजन करै करदा ऐ। स्थापना दिवस आले रोज 6 दिसम्बर गी बोलै साढ़े 9 बजे 30एं मिंटे दा इक विशेष कार्यक्रम प्रसारत कीता जाग जेहदे क्षेत्रीय समाचार एकांश दी भूमिका,

जिम्मेवारिएं ते कम्म करने दे तौर तरीके दे इलावा, इत्थे कम्म करी चुके दे अधिकारिएं कन्नै गल्लबात बी शामिल होग। अपने कर्मिएं दी होसला अफजाई लेई ऐकती स्थापना दिवस दे मौके पर उनेंगी सम्मानित बी कीता जाग जिंदे च 2024 बरे दे बेहतरीन समाचार सम्पादक, ढोगरी ते गोजरी दा बेहतरीन समाचार वाचक ते अनुवादक, बेहतरीन जिला संवाददाता ते जनरल स्टाफ श्रेणी च बेहतरीन कर्मी शामिल ऐ। इस मौके पर 2024 आले लोकसभा ते विधानसभा चुनाएं दुरान आकाशवाणी दे विशेष कार्यक्रमें लेई सैहयोग ते योगदान देने आलें गी बी सम्मानित कीता जाग।

<><><><><><>

Badminton

बैडमिंटन च लखनऊ च सैयद मोदी अंतरराष्ट्रीय टूर्नामेंट च भारतीय बैडमिंटन खडारी पी.वी सिंधु तःलक्ष्य सन्न गी सिंगल्स चैंपियन्स दा खिताब करी लैता ऐ। 2 बारी दः ओलंपिक पदक विजता तः शीर्ष वरीयता प्राप्त सिंधू होरें अज्ज फाइनल चीन दी वू लुओ यू गी 21-14, 21-16 कन्नै हराया तः महिला एकल दा खिताब जिती लैता। लक्ष्य सन्ना नै फाइनल च सिंगापुर दःजिया हेंग जञ्जन तह गी 21-6,

21-7 कन्नै हराइयै पुरुष एकल खिताब जिती लैता। इस थमां पैहल
भारतीय जोड़ी ट्रीसा जॉली तः गायत्री गोपीचंद नै महिला युगल दा
खिताब जिती लैता हा। दुई वरीयता प्राप्त भारतीय टीम नै समिट
क्लेश च चीनी जोड़ी गी 21-18, 21-11 कन्नः हराया पर भारतीय
पुरुष युगल जोड़ी पृथ्वी कृष्णामूर्ति राय तः साई प्रतीक दः कन्नै
तनीशा क्रास्तो तः धुरव कपिल दी मिक्स डबल्स टीम नै उपविजता दः
तौरा पर अपनः अभियान दा समापन कीता।

<><><><><><>

Hockey

हॉकी भारत दी मर्दे दी जूनियर टीम नै कल ओमान दे मस्कट च
जूनियर एशिया कप दे पूल-ए मैच च चीनी ताइपे गी 16-0 कन्नै
हराई दिता। इस मकाबले च दिलराज सिंहने 4 गोल कीते जिसलै जे
रोशन कुजूर नै इक दे बाद इक उपरोतलीत्रै गोल करियै हैट्रिक लाई।
इस जित कन्नै भारत कुल 9 अंक हासल करियै पूल-ए च सब्बने शा
उप्पर ऐ। भारत दा अगला मकाबला अज्ज रातीं साङ्गे 8 बजे कोरिया
कन्नै होग।

<><><><><><>

Coal-Minister

कोयला मंत्रालय ने नवंबर महीने एक मील दा पत्थर हासल कीता ऐ
ते कुल मलाइयै कोयला उत्पादन 9 करोड़ 62 लक्ख टन होई गेआ ऐ
जिसलै के पिछले बरे इस्सै महीने 8 करोड़ 45 लक्ख 20 जहार टन
हा।

<><><><><><>